


2005 nienz Yunghningz Yen gyoep haeuj Nanzningz Si le. Minzczuz Siuyoz mbouj youq gij gvaengh Yunghningz Gih lo. Aen cunghyoz gou gunghcoz couh ciemhciemh mbouj miz hagseng hag Sawcuengh, gou hix mbouj caiq son Sawcuengh lo. Hoeng, Sawcuengh youq ndaw sim gou mboujcaengz lizhai gvaq. Aenvih gou rox Sawcuengh, gij lauxbanj hai vwnzyindiemq ciengzseiz ra gou bang hoiz aen baiz. 2012 nienz 6 nyied, gou camgya Vahcuengh Sawcuengh Suijbingz Gaujsi(VSSG), aen gaujsi neix dwg youz Gvangjsih Bouxcuengh Swcigih Saujsu Minzczuz Yijyenz Vwnzsw Gunghcoz Veijyenzvei guh-daeuz cujciz. Gou gauj ndaej gaugaep gyaz daengj, ndaej mbaw cwngsuh ndeu, hawj gou doiq Sawcuengh engq miz cungj gamjcingz naekna lo. Gou maqmuengh miz gihvei caiq hawj gou son Sawcuengh.

Hawj gou ndawsim roxnyinh cei q miz naj, cei q vuenyungz dwg aenvih rox Sawcuengh hawj gou ndaej caeuq guekgya fucunglij Liuz Yenzdungh gaemfwngz, caemhcai q ndaej caeuq de caenciet gangjavah.

2015 nienz 3 nyied, baihgwnz doengci yozyau: Guekgya bouxlingj-dauj yaek daeuj Gvangjsih sicaz gij gunghcoz gvendaengz gyauyuz. Minzczuz Cunghyoz gou youh dwg aen diemj guekgya lingjdauj sicaz ndeu. Yaek dawz maz miz minzczuz daegsaek hawj lingjdauj yawj ne? Yozyau lingjdauj siengliengz le, daj minzczuz diyjuz, minzczuz yinhyoz, minzczuz yisuz caeuq minzczuz yijyenz gyauyuz geij fueng-mienh neix daeuj guh cunjbei. Daj

·Gou Caeuq Sawcuengh·



Cingz Sawcuengh

壮 文 情

□ Moz Ginhsez / 莫金雪



2005 nienz gyoep haeuj Nanzningz Si le, yozyau gou youq gaenq miz hauilai bi mbouj hai ban son hagseng hag Sawcuengh lo. Yozyau lingjdauj couh heuh gou daengz gak ban bae senj gij hagseng rox gangj Vahcuengh youh haengj hag Sawcuengh, yungh 3 aen singhgiz son gyoengqde rox doeg rox sij Sawcuengh. Ciep daengz aen yinvu neix, gou sim angq raixcaix, gou youh ndaej son Sawcuengh lo. Gou aeu banhaemh son hagseng Sawcuengh. 3 aen singhgiz gou couh son ndaej hagseng rox doeg gij singmeh, yinhmeh caeuq singdiuh Sawcuengh, hix rox doeg rox sij gij Vahcuengh bingzseiz ciengzseiz gangj.

2015 nienz 3 nyied 30 hauh, guekgya fucunglij Liuz Yenzdungh caen daeuj daengz yozyau gou youq lo. Seizhaenx gou cingq son hagseng hag Sawcuengh, baez ngiengxgyaeuj yawjraen Liuz Yenzdungh fucunglij riunyumnyum ndwn youq gyausiz baihlaeng dingq. Gou sikhaek heuh gyoengq hagseng aeu Sawcuengh coh fucunglij caeuq gak boux buenxdoih

lingjdauj camndei——“Angqcoux gak boux lingjdauj daeuj daengz yozyau dou cijdauj gunghcoz”.

Fucunglij yawjraen gyoengq hag-seng rox aeu Sawcuengh angqcoux caezgya, angq raixcaix. De byaij daengz baihnaj gou, caenciet caeuq gou gaemfwngz, riunyumnyum dwk cam gou gunghcoz geijlai bi lo, youq yozyau gvaq ndaej baenzlawz? Lij maqmuengh gyoengqdou aeu laebdaeb guh ndei gij gunghcoz gvendaengz minzczuz gyauyuz. Ngoenzhaenx Liuz Yenzdungh fucunglij sicaz sat, gyoengq lauxsae baez dingqnyi gou ndaej caeuq fucunglij gaemfwngz, cungj hozhaenz dwk buet daeuj doxceng caeuq gou gaemfwngz, lij gangjriu: “Ngoenzneix mwngz gaej swiq fwngz lo, hawj dou hix nem di fukheiq.” Gyoengq lauxsae baez daih’ it roxnyinh rox Sawcuengh dwg baenzneix miznaj.

Vih angqhoh Sawcuengh doi-hengz 60 hopbi, 2016 nienz 12 nyied, gou daibyauj Yunghningz Gih camgya “Nanzningz Si Gaiq Daeuz Aeu

Vahcuengh Biucinj Doeg Ginghdenj Doxdax”. Gou singsang doeg 《Gaej Lumz Dangj Aencingz》hot sei neix ndaej sam daengj ciejng. Yienznaeuz gou doiq gij cingzciak neix mbouj daiq muenxeiq. Hoeng, gou gaenq ndaej 50 bi lo, lij ndaej aeu Sawcuengh youq gwnz daiz caeuq gyoengq hauxseng, lwgnyez caez doxdax, vih hawj engq lai vunz rox minzczuz vwnzva Bouxcuengh raeuz guh di saeh, gou roxnyinh gig miz yiyi.

Baez yaep da, gou caeuq Sawcuengh gaenq giet ndaej 33 bi cingzgeih lo. Docih Sawcuengh, de hawj gou rox gij vwnzva Bouxcuengh raeuz; docih Sawcuengh, de hawj gou ndaej mbouj dingz mbouj duenh roengzrengz doegsaw, haenqrengz gunghcoz; docih Sawcuengh, de hawj gou coengzlaiz mbouj roxnyinh swheij gaenq laux, cingsaenz cibcuk byaij doxbae.

Ciuhvunz gou ciengxlwenx mbouj lumz cingz Sawcuengh.

(sat)

Doxgyaez Sim Mbouj Bienq

相 爱 心 不 变

□ Cinz Genmouz / 覃建谋

Mbwk:

Daengngoenz doek roengz bya
Lum dujva
Mbouj caiq ma doxdaug
Daengzseiz mbwn laepraeh
Cam beixlaux
Ngoenzlawz dauq daeuj daengz

Sai:

Daengngoenz doek roengzbae
Gaej yungh heiq
Aeu mae yien doxdaug
Gwnz mbwn mbouj laepraeh
Ronghsagsag
Raeuz goj menh guhcaemz

Mbwk:

Daengngoenz doek roengz bya
Va doek laj
Mbouj caiq ma doxdaug
Rin doek roengz haijlaux
Caemrgrwng
Baenzlawz dauq ndaej fouz

Sai:

Daengngoenz doek baihsae
Gim doek dei h
Gip couh ndaej doxdaug
Rin doek roengz haijlaux

Hix mbouj lau
Aeu saeng lauz hwnjma

Mbwk:

Vah gangj ok yungzheih
Hoeng daegbeix
Gizsaed guh mbouj daengz
Gyanghaemh bienq gyangngoenz
Youh lumjbaenz
Gaiqgim bienq ndaekdiet

Sai:

Vah nuengx gangj hix deng
Ndawsim gou
Hix miz saek di fanz
Daengzseiz raeuz bieksanq
Gag maranz
Couh caiq nanz doxraen

Mbwk:

Gak vunz youq gak mbiengj
Lumj ronghndwen
Gyanghaemh siengj daengngoenz
Ngoenzneix daeuj raen mwngz
Miz yienzfaenh
Cienzngaenz cawx mbouj ndaej

Sai:

Raeuz song boux liz gyae



Dahsau Myauzczuz daenj buhvaq gyaeundei hwnj daiz.

Liu Swjyenh ingj

Mbouj yungh heiq
Goi lij ndaej doxbungz
Daengz sam nyied cingmingz
Raeuz song vunz
Dauq daeuj daengz eufwen

Mbwk:

Beix vah dij cien gim
Cingq habsim
Song vunz sim mbouj bienq
Dailix hix doxlien h
Cien fanh nienz
Gim mbouj bienqbaenz doengz

Sai:

Seizneix nuengx biek beix
Sim dauq geiq
Byaleix biek lwgsae
Bya riengz raemx bae gyae
Gou boihseiz
Doengz lwgsae gwnz hawz

Mbwk:

Beix dwg duzbyaleix
Nuengx couhdwg
Duzlwgsae gwnz hawz
Mbouj miz vunz daeuj cawx
Dai gwnz hawz
Miz bouxlawz hojlien z

(caengz sat)